

太平縣志

平縣志卷四

學校志

廟制

祀典

學宮 學額學田附

書院 社學義學附

學記曰君子如欲化民成俗其必由學乎我

國家雅化作人於各府州縣皆立學董以師儒優以廩祿凡所以範履蹈成德行者視前代為尤厚太平地非鄒魯風猶唐虞入其中者當思為臣盡忠為子盡孝慨然有志於聖賢而不徒為詞章之末斯不媿經明行修之選哉至廟示尊嚴祀昭誠敬黌宮

學校

書舍凡所以造就士子者皆學校事也作學校志

廟制

太史公云余適魯觀孔子廟堂車服禮器低徊留之不能去夫聖人往矣壁聞絲竹經傳蝌蚪猶足動人感慕矧宮牆之巍煥者乎噫入廟思敬可以興已

文廟在縣治西北德化坊街始建自唐時元至元八年主簿任興嗣修

總管府判官王  
惲有記詳藝文

至正十八年燬于寇十九年達魯花赤安童復

建

大成殿二十年縣尹馮衡修門廡繕諸賢像元末復廢明洪武七年

縣丞毛煜繕完之十七年知縣沈士廉景泰間知縣岳嵩宏治

間知縣尹瑒繼修正德間知縣盛琛作石櫺星門鑿泮池曲沃李侍

郎浩有記 萬曆三年知縣武成重修  
詳藝文

國朝順治十五年知縣盧易重修有勸輸文 康熙十七年知縣吳軫

增修二十八年知縣趙心忭增建柵欄三十八年知縣李清鏜

教諭王之瑞大加修理四十年教諭牛敬修相踵完工雍正三

年知縣劉崇元捐捧重修乾隆元年知縣張若崧教諭董全福

訓導劉舉督工大修嘉慶十八年知縣李實好教諭張雲裔訓

導閻士驤率紳士前後修理知縣弟李允師多所經畫有碑記

康熙二十五年

御書萬世師表額匾頒發州縣摹泐懸掛三十三年

御製

至聖先師孔子贊并序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣

後之人而欲探二帝三王之心法以爲治國平天下之準其奚所  
取衷焉然則孔子之爲萬古一人也審矣朕巡省東國謁祀闕里  
景企滋深敬摘筆而爲之贊曰

清濁有氣剛柔有質聖人參之人極以立行著習察舍道莫由惟  
皇建極惟后綏猷作君作師垂統萬古曰惟堯舜禹湯文武五百  
餘歲至聖挺生金聲玉振集厥大成序書刪詩定禮正樂旣窮象  
繫亦嚴筆削上紹往緒下示來型道不終晦秩然大經百家紛紜  
殊途異趣日月無踰羹牆可晤孔子之道惟中與庸此心此理千  
聖所同孔子之德仁義中正秉彝之好根本天性庶幾夙夜勗哉

令圖溯源洙泗景躅唐虞載歷庭除式觀禮噐搗筆仰贊心焉遐  
企百世而上以聖爲歸百世而下以聖爲師非師夫子惟師於道  
統天御世惟道爲寶泰山巖巖東海洋牆高萬仞夫子之堂孰  
窺其藩孰窺其徑道不遠人克念作聖

復聖顏子贊

聖道早聞天資獨粹約禮博文不遷不貳一善服膺萬德來萃能  
化而齊其樂一致禮樂四代治法兼備用舍行藏王佐之噐

宗聖曾子贊

洙泗之傳魯以得之一貫曰唯聖學在茲明德新民止善爲期格



致誠正均平以推至德要道百行所基纂承統緒脩明訓辭  
述聖子思子贊

於穆天命道之大原靜養動察庸德庸言以育萬物以贊乾坤九  
經三重大法是存篤恭慎獨成德之門卷之藏密擴之無垠

亞聖孟子贊

哲人既萎楊墨昌熾子輿闢之曰仁曰義性善獨闡知言養氣道  
稱堯舜學屏功利煌煌七篇並垂六藝孔學攸傳禹功作配

五十一年奉

旨會議朱子發明聖道爲功最鉅

詔直省郡邑將木主神龕擇六月十五丁卯未時移於十哲之次升配

大成殿內祭祀供獻陳設如十哲制五十五年

詔以宋范仲淹從祀雍正二年

詔復祀蘧瑗林放秦冉顏何鄭康成范甯增祀先賢縣亶牧皮公都子公

孫丑樂正克萬章先儒諸葛亮尹焞黃幹陳淳魏了翁何基王柏

趙復金履祥許謙陳澹羅欽順蔡清陸隴其四年

御書生民未有額匾頒發州縣摹泐懸掛五年

諭直省內外臣工逢先師誕辰齋戒一日諱孔子名加卞爲邱乾隆三年

詔升有子於十哲增祀先儒吳澄

御書與天地參額匾頒發州縣摹泐懸掛嘉慶三年

御書聖集大成額匾頒發州縣摹泐懸掛道光元年

御書聖協時中額匾頒發州縣摹泐懸掛二年

詔以明臣劉宗周從祀三年

詔以湯斌從祀五年

詔以明臣黃道周從祀

正殿五楹

至聖先師孔子正中南向

東配西向

復聖顏子 諱回字子淵魯人

述聖子思子 諱伋字子思至聖孫

西配東向

宗聖曾子 諱參字子輿南武城人

亞聖孟子 諱軻字子輿一作子車鄒人

東哲西向

閔子 諱損字子騫魯人

冉子 諱雍字仲弓鄭康成曰魯人

端木子 諱賜字子貢衛人

仲子 諱由字子路一字季路尸子 史記胥云卞人一云衛人

卜子 諱商字子夏衛人鄭 夷成曰溫國卜商

有子 諱若字子若一字子 有鄭康成曰魯人

西哲東向

冉子 諱耕字伯牛鄭 康成曰魯人

宰子 諱予字子我鄭 康成曰魯人

冉子 諱求字子有鄭 康成曰魯人

言子 諱偃字子 游吳人

顓孫子 諱師字子 張陳人

朱子 諱熹字元晦一字仲晦  
宋婺源縣人諡文公

東廡先賢

蘧子 諱瑗字伯玉  
衛人

澹臺子 諱滅明字子羽  
孔安國曰魯人

原子 諱憲字子思鄭康成曰  
魯人檀弓云仲憲宋人

南宮子 諱适字子容家語云韜史  
記云括孔安國曰魯人

商子 諱瞿成都周公禮殿聖賢  
圖云商瞿上字子木魯人

漆雕子 諱開字子開家語云字子若  
鄭康成曰魯人一云蔡人

司馬子 諱耕字子牛家語云犁耕  
一字伯牛孔安國曰宋人

巫馬子

諱施字子旗家語云巫馬期字子期鄭康成曰魯人一云陳人

顏子

諱辛字子柳史記禮殿圖胥云顏幸鄭康成曰魯人

曹子

諱卹字子循蔡人

公孫子

諱龍字子石家語云公孫寵衛人鄭康成曰楚人孟子注云趙人

秦子

諱商左傳云秦丕茲字子丕家語云字不慈鄭康成曰楚人一云秦人

顏子

諱高家語云顏刻字子驕魯人

壤駟子

諱赤禮殿圖云壤西赤字子徒一字子從鄭康成曰秦人

石作子

諱蜀家語云石子蜀字子明秦人

公夏子

諱首家語云公夏守字乘一字子秦鄭康成曰魯人禮殿圖不載

后子

諱處字子里家語云石處字里之鄭康成曰齊人

奚容子

諱蒧字子皙家語云奚蒧字子偕魯人

顏子

諱相字襄家語云顏相字子襄魯人

句井子

諱疆字子疆一字子界闕里志字野山東志字子孟鄭康成曰衛人

秦子

諱祖字子南鄭康成曰秦人

縣子

諱成字子祺家語云字子橫鄭康成曰魯人禮殿圖不載

公祖子

諱句茲家語云公祖茲禮殿圖云公孫勾茲字子之魯人

燕子

諱倂字思家語云燕級字子思秦人

樂子

諱欬家語云樂欣字子聲魯人一云秦人



狄子

諱黑字皙家語云字皙之一云子皙衛人

孔子

諱忠家語云孔弗字子蔑孔子兄孟皮子

公西子

諱蒧家語云公西滅字子上一作子尚魯人

顏子

諱之僕字叔家語云字子叔鄭康成曰魯人禮殿圖不載

施子

諱之常字子恒家語云子常魯人

申子

諱振家語云申續史記云申黨禮殿圖云申儻字周一云字子周魯人

左邱子

諱明魯人

秦子

諱冉字開家語不載

牧子

諱皮朱註云未詳